


Dikanegelo tsa ga Archibald Rubenstein

Ka Jaydean Botha

Bogologolo tala, mo lošagaripeng lo lo kgakala thata lo lo bidiwang Forcastanation, go ne go nna lekawana lengwe le le bidiwang Archibald Rubenstein. Go ba lelapa la gagwe le ditsala, o ne a itsiwe e le AR. Motshegare, AR e ne e le mosimane yo o tlwaelegileng wa sekolo yo o neng a dira tiro ya gagwe ya sekolo e e direlwang kwa gae mme a tshameka le ditsala tsa gagwe kwa ntle mo segotlong. Motho a ka nna a re o ne a itshunya nko mo dilong tsa batho, kana motho a ka nna a re o ne a sa nnele ruri. Mme mo bosigong joo, AR e ne e se selo se se tlwaelegileng.

AR o ne a fetoga go nna monna yo o lwantshang bonokwane bosigo, a boloka matshelo gongwe le gongwe kwa a yang teng. O ne a kgona go lemoga fa mongwe a le mo kotsing - e ne e le mofuta mongwe wa maatla a a fetang a motho. Ka jalo, o ne a nna a le kelotlhoko, a thantse. O ne a sa tlhole a nna a thantse bosigo fa a simolola go lapa.

Mo bosigong bongwe jo bo rileng, maatla a gagwe a a fetang a tlholego a ne a mo lemotsha gore mongwe o mo kotsing. O ne a itlhaganelela kwa lefelong leo mme a bona monna mongwe yo o neng a sa mo itse a tsamaya a lebile mosetsana mongwe yo o se nang molato yo gongwe a neng a tswa tirong a ya gae. A re re monna yono ke motho


yo o tsamayang ka go itlhaganela. Jaaka ka gale, fa AR a goroga mo lefelong la tiragalo, o ne a sekaseka kotsi le bomasisi jwa boemo. Fa a sena go dira jalo, o ne a lemoga gore monna yono o ne a tsamaya jaaka e kete kgato ya gagwe e e latelang e ne e ka se ka ya bonelwa pele. O ne a tsamaya kgato e le nngwe ka fa molemeng, a bo a boela morago, a bo a ya kwa pele ka dikgato di le pedi, jalo le jalo - a tsamaya jaaka e kete o tagilwe.

Ka bonako fela morago ga moo thekisi e ne ya ema fa thoko ga mosetsana yo o se nang molato. Monna yo a neng a bidiwa Random-Walk o ne a tabogela kwa go ene mme a mo latlhela mo teng ga thekisi. O ne a leka go mo lwantsha ka go mo raga ka dinao le go goa. Ka a ne a se na maatla a a lekaneng o ne a ineela. Random-Walk o ne a tswala kgoro, mme fa thekisi e ne e tloga e tsamaya ka lobelo, AR o ne a tlolela mo godimo ga yone a bo a e tshwara ka thata.

AR o ne a lemoga gore eno e ne e se ntwale a neng a ka e fenyale le nosi. O ne a tlhoka thuso. Ke mang yo o botoka go ka kopa thuso fa e se tsala e kgolo ya ga AR e bong Martin Arlington, yo o itsegeng e le MA. Fa di kopane mmogo, MA le AR di ne di ka se ka tsa thibelwa. Ba ne ba itsege e le bagaka ba bagolo ba Forecastation. Makwalodikgang mangwe a ne a simolola go ba bitsa batlhabani ba ARMA.

Fa MA a ne a amogela mogala wa ga AR, o ne a tlogela sengwe le sengwe se a neng a tshwaregile ka sone mme a itlhaganelela go ya go namola mosetsana yo o se nang molato. Ka lesego, MA o ne a sa ntse a dutse, a ise a robale. MA o ne a kgona go nna a thantse ka diura di se kae bosigo, mme morago ga moo o ne a robala mme a se ka a tsoga go fitlha mo mosong.

Fa MA a goroga kwa AR a neng a le teng, le ene o ne a tlolela mo godimo ga koloi. Ba ne ba loga leano la se ba neng ba tla se dira mme ba swetsa ka gore ba tsene mo thekising ka fesetere e e neng e le mo go yo mongwe wa bapalami. Bobedi jwa bone ba ne ba tlolela mo teng, MA o ne a lwa le mkgweetsi fa AR ene a ne a itlhaganelela kwa morago ga bene kwa Random-Walk a neng a letile gone. Koloi e ne ya kgabaganya tsela fa MA a ne a leka go laola koloi. Kgabagare, o ne a boa a nna le maatla, mme a kgorometsa mkgweetsi go tswa mo setulong le go tswa ka kgoro. O ne a kgona! O ne a kgona go tsepamisa thekisi.



Ka nako eo, AR o ne a sa ntse a lwa le Random Walk yo o neng a le kwa morago teng ga thekisi. Dikgoro tse di kwa morago tsa thekisi di ne tsa bulega, mme AR o ne a batla a wa fa mosetsana a mo tshwara ka letsogo a bo a mmusetsa mo teng ga thekisi. Morago ga gore AR a boe a kgone go itsetsepela gape, o ne a itse se a tshwanetseng go se dira. O ne a raga Random-Walk mo mokwatleng, a mo pateletsa go leba kwa dikgorong tse di kwa morago ga thekisi.

Random Walk o ne a ya kwa pele, a ya kwa molemeng, a ya kwa mojang gabedi mme kgabagare, a ya kwa pele la bofelo a wela mo tseleng.

Mosetsana yo o se nang molato yo o ne a leba AR ka matlho a magolo a a kgolokwe a tletse letshogo. O ne a kgona fela go bua a re: "Ke a lo leboga, baithaopi ba ARMA".

AR le MA ba ne ba busetsa mosetsana kwa legaeng la batsadi ba gagwe. Pele a tswa mo ntlong ya batsadi ba mosetsana, AR o ne a botsa mosetsana leina la gagwe, mme a mmolelela gore ke White Noise, leina le le tshwanelang mosetsana yo o se nang molato.

Malatsi a le mmalwa moragonyana, AR o ne a bona mo dikgannyeng gore Random-Walk le molekane wa gagwe ba ne ba tshwarwa.

AR le MA ba ntse ba tswelela pele go lwantsha bonokwane go fitlha le gompieno. Ba itsege e le batlhokomedi ba ARMA, mme ba boloka matshelo a batho ba ba se nang molato. Ba tsenya batho ba ba bosula mo kgolegelong.